

Poentje Castro furioso su esaki!

Boletin falso di horcamento a "Touch mi famia"

ORANJESTAD (AAN): Diamars mainta, Poentje Castro a duna detaye di e detencion recien di dje, y a proba su inocencia den e caso di recuperacion di Laptop Computer! E tabata un "accion di recuperacion" cu el y Claudius Philips mes tabata envolvi aden.

Pero despues di su detencion, segun Castro, e ta lamenta cu tin hende cu a bay tripi di hunga sentimento di mi amigonan, hendenan door di manda boletin y bisa cu el a horca mi curpa den KIA.

Poentje Castro a splica, cu nunca el a worde traslada pa KIA. Di Diabierna te Diaranzon el a keda na Warda di Playa, hunto cu varios detenido mas.

Di con e boletin falso a dal duro? Pasobra un dia prome, Poentje cera den cel, a haya sa cu e tin di presenta dilanti Fis-

cal y Huez Comisario. Anto e no tin zapato ni faha pa su carson.

Ora cu abogado Rossi Marchena a yega, el a pidi pa manda e mensahe pa su casa, pa laga su querida yiu muher busca un zapato y faha pe. Esey ta debi cu su yiu muher ta hopi pega na dje, y e mucha aki sa claramente den cual cashi ta haya zapato, etc.


E yiu muher a cumpli cu esey tambe, y a manda e zapato y faha di mas nice pa su tata encarcela.

Bo por imaginabo, cu Diadomingo mainta su yiu muher ta lesa noticia manda via Group-Broadcasting anonimo di BlackBerry Messenger, cu Poentje Castro a horca curpa? Mesora e yiu muher a pensa cu ta e faha cu el a manda... e a usa pa horca curpa.

"Mi por worde ataca, pero unavez cu boso touch mi famia... e ta onterecht. Ta arma pa dera hende boso no tin?"

Segun Poentje, e persona cu a haci esaki, e tin di wak kico el a haci y no haci esaki mas ni den wega. Bo no por ta hunga cu sentimento di hende asina. Esun cu a manda e boletin, a hunga cu su famia, y nan ta criatura! Nan no ta parti di esaki.

"Si no tabata pa e boletin falso ey di horcamento, lo mi no a duna un press-conference," Castro a declara. Tur cos tin limite. Segun Poentje, e stima tres cos. E stima Dios, su famia, y su yiunan, y mi ta stima mi mes asina tanto... e ultimo cos cu lo pasa den su cabez ta pa



pone fin na mi bida.

Na su debido tempo, Claudius Philips lo sali na defensa di Poentje, confirmando e relato aki completo.

Simplemente loke Poentje kier ahaci, ta recupera e laptop di CP.

Segun Castro, el a haya zundra di SubFiscal Carlos Hodge pa e hecho cu el y Claudius so a bay play detective. "Mi tabata djis kier a

haya e laptop henter. Si acaso tabatin Recherche involucra, full otro cos pueblo lo ta papiando awe di dje." Segun Poentje, e ta admiti cu tabata un eror di no a involucra Recherche den e asunto na tempo.

E ta lamenta tambe, cu mihor nunca e mainta ey el a bay Hardware Store pa compra lock y bancomatico e mainta aki.